

- 83 Reglugerð þessi staðfestist hér með samkvæmt lögum nr. 29 23. apríl 1946, um
15. apríl hafnargerðir og lendingarbætur, til þess að öðlast þegar gildi, og birtist til eftir-
breytni öllum þeim, sem hlut eiga að máli.

Samgöngumálaráðuneytið, 15. apríl 1952.

Ólafur Thors.

Páll Pálmason.

84
16. apríl

G J A L D S K R Á

fyrir Rafveitu Grindavíkur.

I. RAFORKA

Rafveita Grindavíkur selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 1.87 hverja kwst.
2. Um kwst.mæli á 70 aura hverja kwst., auk fastagjalds, er nemi kr. 7.00 á ári af hverjum fermetra gólfflatar í rúmi því, er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal greiða kr. 3.00 á ári af fermetra.

B. Almenn heimilisnotkun.

Um kwst.mæli á 47 aura hverja kwst. Auk þessa skal greiða fastagjald kr. 6.50 á mánuði af einu herbergi hvernar íbúðar og kr. 4.00 á mánuði af hverju herbergi umfram eitt.

Í útreikningi á fjölda herbergja skal telja öll herbergi, sem eru ætluð til íbúðar, og eldhús. Herbergi, sem er minna en 5 m², skal telja sem hálf, en stærra en 25 m² sem tvö.

C. Vélanotkun.

1. Um kwst.mæli kr. 1.00 hverja kwst. Hafi vélarnar mjög stuttan notkunartíma á ári, má krefjast minnsta árgjalds, frá kr. 200.00 til kr. 235.00 á hvert uppsett kw. vélanna.
2. Til fiskiðnaðar, ef uppsett rafvélaafli fastra véla er yfir 20 kw., um kwst.mæli á 30 aura hverja kwst., enda megi þá rjúfa strauminn í allt að 3 kwst. á dag á tímum mesta álags rafveitunnar um hádegið og síðdegis, en þó eigi lengur en 1½ klst. í senn.

D. Hitun.

1. Um kwst.mæli á 22 aura hverja kwst., enda megi þá rjúfa strauminn í allt að 3 klst. á dag á tímum mesta álags rafveitunnar um hádegið og síðdegis, en þó eigi lengur en 1½ klst. í senn.
2. Um kwst.mæli á 8 aura hver kwst. í 9 klst. á tímanum frá kl. 22 til 9.

Önnur skilyrði fyrir raforkusölu til húshitunar.

- a. Að vélaafli, línur og spennar þoli álagið að dómi rafveitustjóra.
- b. Að notandi setji klukkurofa fyrir hitalögnina og kosti viðhald þeirra; þó getur rafveitustjóri ákveðið, að rafveitan leggi til rofa og annist viðhald þeirra, og

kostar þá notandinn tengingu þeirra og greiðir leigu af þeim samkvæmt reglum, 84
er gilda um leigu mæla.

16. apríl

- c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fastengdir með sérstökum rofum og hitastillar notaðir.

Alla raforku, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A-1. Þegar sérstaklega stendur á, má rafveitustjóri þó, að tilskildu samþykki rafveitustjórnar, selja raforku eftir sérstökum samningi í hvert skipti, en eigi lengur en til eins árs í senn.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverja veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

- | | |
|---|--------------------|
| 1. Af einfasa mælum upp að 30 amp. | kr. 2.50 á mánuði. |
| 2. — þrífasa mælum 50 amp. og minni | — 4.00 — — |
| 3. — þrífasa mælum 50 til 100 amp. | — 9.00 — — |
| 4. — þrífasa mælum yfir 200 amp. | — 13.00 — — |

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækisins. Leigan skal innheimt um leið og gjald fyrir raforku.

III. HEIMTAUGARGJALD

Af hverri húsveitu, sem tengd er við rafveitu, skal greiða heimtaugargjald sem hér segir:

1. Grunnjald fyrir hverja loftlínuheimtaug kr. 800.00
2. Grunnjald fyrir hverja jarðlínuheimtaug — 1000.00

Auk þessa grunnjalds skal greiða kr. 12.00 af hverju þúsundi króna af brunabótamati húss og annarra mannvirkja. Hálfu þúsundi eða minna í brunabótamati skal sleppa í útreikningi þessum, en ella hækka upp í heilt þúsund.

Ef brunabótamat á húsi er gamalt, getur rafveitustjóri eða hreppsnefnd samræmt það nýju mati og miðað heimtaugargjaldið við það. Láti húseigandi meta húsið á ný, skal þó heimtaugargjaldið miðast við það mat.

Heimtaugargjald fellur í gjalddaga, þegar heimtaugaruppsetningu er lokið, eða þegar brunabótamat hefur verið framkvæmt. Greiði húseigandi áætlaðan helming heimtaugargjaldsins um leið og heimtaugaruppsetningu er lokið, er heimilt að veita honum gjaldfrest í allt að 12 mánuði.

Sé lengd jarðlínuheimtaugar meiri en 25 metrar og loftlínuheimtaugar meiri en 60 metrar og/eða gildleiki víra meiri en 3×70 mm², skal húseigandi greiða að fullu kostnað af því, sem fram yfir er.

Ef lagðar eru fleiri en ein heimtaug að sama húsi, skal greiða allan kostnað við síðari heimtaug eftir reikningi.

IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun, 20 krónur.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð fyrir en notandinn hefur greitt 20 króna gjald á skrifstofu rafveitunnar.

84

V. HEIMILD TIL HÆKKUNAR

16. apríl

Hreppsnefnd er heimilt að hækka eða lækka gjöld, sem ákveðin eru í gjaldskrá þessari, um allt að 20%, án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 23. júní 1923, og raforkulögum, nr. 12 2. apríl 1946, til þess að ganga í gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Grindavíkur, nr. 32 21. febrúar 1949.

Atvinnumálaráðuneytið, 16. apríl 1952.

Hermann Jónasson.

Þorv. K. Þorsteinsson.

85

17. apríl

Staðfesting handhafa forsetavaldsins á skipulagsskrá fyrir „Minningarsjóð Páls Sveinssonar, yfirkennara“, útgefin á venjulegan hátt að mandatum af dómsmálaráðherra 17. apríl 1952.

Skipulagsskráin er þannig:

SKIPULAGSSKRÁ

Minningarsjóðs Páls Sveinssonar, yfirkennara.

1. gr.

Sjóðurinn heitir Minningarsjóður Páls Sveinssonar, yfirkennara. Hann er eign Menntaskólans í Reykjavík.

2. gr.

Hlutverk sjóðsins er að verðlauna þá nemendur skólans, sem skara fram úr öðrum um þróðmennsku og stundvísi að dómi skólastjórnar.

3. gr.

Stofnfé sjóðsins er kr. 10385.00, sem nemendur Páls Sveinssonar og aðrir vinir sendu skólanum að honum látnum. Gjafafé, sem sjóðnum kann að áskotnast, skal leggja við höfuðstól, en auk þess fjórðung ársvaxta. Höfuðstól skal ávaxta í Söfnunarsjóði Íslands eða verðbréfum, sem ríkið ábyrgist.

4. gr.

Þrem fjórðu hlutum ársvaxta skal verja til verðlauna. Skólastjórn ákveður í lok hvers skólaárs, hver hljóta skuli verðlaun, og afhendir rektor þau við skólauppsögn. Tvönn verðlaun, að minnsta kosti, skulu veitt fyrst um sinn, en fleiri, þegar sjóðurinn hefur eflzt til muna. Verðlaunum skal fylgja skrautprentað skjal, undirritað af rektor.

5. gr.

Reikningsár sjóðsins er almanaksárið. Rektor skólans hefur með höndum reikningshald og birtir reikninga í skólaskýrslum. Endurskoðun skal vera með sama hætti sem annarra sjóða undir stjórn rektors.

6. gr.

Sjóðurinn tekur þegar til starfa.